

**TAU HOKOTAKI NAKAI FIAFIA KE HE TAU FAKAHOLOAGA
TV MO E LETIO:
KO E TAU FAKAHOLOAGA MA LAUTOLU NE ONOONO TV MO LAUTOLU NE
KUA FANOONO LETIO
www.bsa.govt.nz**

Ka eke kua nakai fiafia a koe ke he tau fakaholoaga TV po ke letio, maeke ia koe ke hokotaki e haau a tau manatu nakai fiafia mo e to onono fakamakutu ai foki ke he haau a tau manatu nakai fiafia kua fakakite. Ha ko e haau a tau manatu fakakite, to maeke ai foki e tau hokotaki nei mo lagomataiaga ke tuaga he he faahi fakapuloa leo.

Ko e fakaholoaga nei ke fakamaama e puhala ke maeke ia koe ke tuku atu e haau a tau manatu nakai fiafia ke he mo e fakamaama ai foki e gahua he Broadcasting Standards Authority (BSA) ke he ha lautolu a tau puhala kumikumi mo e tau ononoaga ke he tau manatu fakakite nakai fiafia ki a lautolu he tau faahi gahua fakapuloa leo.

Ko e heigoa falu a mena ne kua maeke ia au ke fakakite haaku a tau manatu nakai fiafia?

Maeke ia koe ke tohi e haau a tau hokotaki nakai fiafia haggao ke he ha fakaholoaga ne kua kitia po ke logona e koe kua nakai maitua ke he tau mata fakatufono he BSA. Ko e tau faga fakaholoaga pehe nei ko e ha fakaholoaga he tau fakaholoaga ne kua fakapuloa ke he TV po ke letio, pihia foki mo e tau talahauaga ke lata ia mo e fakaholoaga ia (trailers for programmes). Maeke foki ia koe ke tohi e haau a tau manatu nakai fiafia ke he tau fakailoaga faka-Politika he tau magaaho vili.

Fakamolemole ti mailloga ko e tau manatu nakai fiafia ne kua fakakite haggao ke he tau **fakapuloaaga kuku**, kua lata ke fakafano atu ke he BSA, PO Box 10 675, Wellington. Fakafano atu foki ke he meli hila asa@asa.co.nz, po ke www.asa.co.nz

Ko e heigoa e tau mata fakatufono ke lata ma e faahi fakapuloa leo?

Ko e tau mata fakatufono he BSA ke lata ma e letio mo e tau fakaholoaga TV haofia ke he tau faahi kehekehe nei:

- Mitaki mo e lilifu
- Maitua ke he tau mata fakatufono
- Tatai mitaki
- Tonu
- Nakai tonuhia/discrimination
- Tonu mo e hako
- Leveki ke he tonuhiaaga fakatagata
- Puipuiaga he tau fanau
- Tau fakailoaga kua nakai haggaha mitaki/Violence
- Ko e tau fakaholoaga ke lata ma e fakafua he tau kava
- Fakatokokaaga he tau fakaholoaga
- Fakailoaga haggao ke he tau fakaholoaga.

Ko e tau fakatufono ke lata ia ma e tau mata fakatufono fakapuloa leo ha ha I loto he Tohi Fakave he 'Codes of Broadcasting Practice' www.bsa.govt.nz, po ke telefoni po ke tohi atu ke he BSA.

Fakakite fefe e haaku a hokotaki nakai fiafia?

Ka eke kua manako a koe ke hokotaki mo e fakakite haau a tau manatu nakai fiafia ha ko e holia he tau matafakatufono he BSA, tohi atu fakamua ke he faahi fakapuloa leo nai. Tohi atu fakahako ke he Ulu Fakatonu/Chief Executive. Nakai tohi hokotaki atu pehe nei ka eke ko e kua hagaao ke he holiaaga he tokanoaaga fakatagata. Maeke e tau tohi pehe nei ke fakafano atu fakahako ke he loea he BSA. Maeke ia koe ke fakapuke foki e pepa ne kua ha ha I ai ke he www.bsa.govt.nz, po ke fakafano atu e meli hila ke he faahi gahua fakapuloa leo nei, po ke fakafano atu foki ke ha lautolu a puha tohi.

Kua lata e tau tohi hokotaki nakai fiafia haau ke:

- Tohi tohi (tohi e tau kupu hokotaki nakai fiafia po ke 'formal complaint')
- Fakafano ke he faahi fakapuloa leo (po ke BSA ke lata ma e tau holiaaga he tau maveheaga) i lalo hifo he 20 e aho gahua he faahi gahua fakapuloa leo nei (koe tau 'aho gahua' nakai ko e tau aho he fakaotiaga he faahi tapu, tau aho evaeva, aho Kirisimasi ke hoko atu ke he aho 15 Ianuali)
- Tohi e higoa he fakaholoaga, ko e numela he TV po ke letio ne kua fakapuloa ai fakaholoaga nei, mo e aho mo e taimi ne fakapuloa ai e fakaholoaga nei
- Fakakite e tau matafakatufono ne kua holia ai
- Fakakite e tau manatu haau po ke holia fefe e tau matafakatufono nei.

Ka eke kua fakakite e tau hokotaki, mitaki lahi ka eke kua maeke ia koe ke fakakite fakamahino mitaki e tau fakaholoaga nei. Tuga pehe: tohi e tau kupu ne kua nakai lilifu ki a koe, tohi foki e tau manatu haau ke he tau ata ne kitia e ko e kua nakai lilifu mo e fulufuluola, po ke tohi e haau a tau manatu ke he falu a fakaholoaga ne kua nakai hako ki a koe.

Ko e mogo fe ka fakafano e au e tau manatu fakakite nei ke he BSA?

Ko e fakatufono he 'Broadcasting Act 1989' ne tohia ai pehe kua lata e faahi gahua fakapuloa leo nei ke tali haau a tohi hokotaki I lalo hifo he 20 e aho gahua kamata mai he magaaho ne moua ai he faahi gahua nei e hokotaki.

Ka eke kua nakai fiafia a koe ke he tali he faahi gahua fakapuloa leo nei, to ha ha ia koe 20 e aho gahua ke matuataki atu a koe ke he BSA ke kumikumi e lautolu ki ai mo e liu ke kitekite fakamahino atu ke he haau a hokotaki.

Ka eke kua nakai tali atu e faahi gahua fakapuloa leo nei ki a koe I lalo hifo he 20 e aho gahua, to ha ha ia koe 60 e aho mai he aho ne fakapuloa ai e fakaholoaga ke fakafano atu e haau a hokotaki ke he BSA.

Ko e heigoa e mena ka tupu ka eke kua fakafano atu e au e tohi ke he BSA?

To fakailoa he BSA ke he faahi gahua fakapuloa leo nei hagaaho ke he hokotaki nei, mo e fakafano atu e tohi hokotaki nei ke he faahi gahua fakapuloa leo, mo e uiina atu e faahi fakapuloa leo nei ke tali e tohi hokotaki.

To fakafano atu he BSA e tali mai he faahi gahua fakapuloa leo nei. Ka eke ke fai manatu kehe foki e faahi gahua nei ka fakakite, to uiina atu a koe ke fakakite haau a tau manatu.

To ha ha I ai tokofa a lautolu ka onono atu ke he haau a tohi hokotaki. To kitekite atu a lautolu ke he tau kumikumiaga oti, fakatutala ai ke he haau a tohi hokotaki, mo e fifili ai po ke talia nakai e tohi haau.

Fa mahani e BSA ke onono ke he tau tohi hokotaki he tau faahi ne ua mo e fakahoko ai taha fakatutalaaga ka eke kua kitia kua lata tonu.

To tohi he BSA e fifiliaga mo e fakafano atu ki a koe mo e faahi fakapuloa leo. To fakafano atu foki e tohi nei ke he tau faahi fakapuloa leo kehekehe mo e falu foki ne kua manako ke iloa, mo e tuku foki ki loto he website he BSA.

Ka eke ko e hokotaki nakai fiafia haggao ke he holia e tokanoaaga fakatagata, to fai ononoaga e BSA ke leveki e tau higoa mo e nakai fakakite fakahanoa.

Ka eke kua talia he BSA e tohi hokotaki, to:

- Fakailoa ke he faahi faahi fakapuloa leo ke tohi taha talahauaga, tuga pehe, tohi taha tohi haggao ia ke he he tau manatu kua fifili ki ai
- Fakailoa ke he faahi fakapuloa leo ke totogi e tau tupe nakai molea e \$5,000 ke he fakatufono
- Tuku age ke he faahi fakapuloa leo ke totogi e tau tupe fafati hoko atu ke he \$5,000 ki a ia ne kua holia e tokanoaaga fakatagata.

Ke he falu a magaaoho, fai malolo e BSA ke fakailoa ke he faahi fakapuloa leo ke fakaoti nakai liu ke fakapuloa ha fakaholoaga po ke taofi mo e nakai maeke ke fakapuloa leo foki ke 24 e tula.

Maeke e fifiliaga he BSA ke hokotaki atu foki ke he Fale Hopo tokoluga. Ka eke kua taatu he faahi fakapuloa leo e fifiliaga nei ke he Hopo tokoluga, to fakahigoa a ia ne tohi e tohi mo e maeke ia ia ne tohi e hokotaki ke nakai hoko atu ke he tau fakaholoaga nei.

Matutaki atu ke he:

Tohi atu ke he Ulu Fakatonu he faahi fakapuloa leo nei.

Television

TVNZ
PO Box 3819
AUCKLAND 1141
Telefoni: (09) 916 7000
Feke: (09) 916 6864
www.tvnz.co.nz

TV3 mo e C4
TVWorks
Private Bag 92 624
AUCKLAND 1150
Telefoni: (09) 377 9730
Feke: (09) 366 5999
Telefoni nakai totogi: 0800 888 4733
www.tv3.co.nz
standardscommittee@mediaworks.co.nz

Māori Television
PO Box 113-017
Newmarket
AUCKLAND 1149
Telefoni: (09) 539 7000
Feke: (09) 539 7199
www.maoritelevision.com

Prime Television
PO Box 9059
Newmarket
AUCKLAND 1149
Telefoni: (09) 579 9999
Feke: (09) 579 8355
Telefoni nakai totogi: 0800 759 759
www.primetv.co.nz

Sky Television
PO Box 9059
Newmarket
AUCKLAND 1149
Telefoni: (09) 579 9999

Feke: (09) 579 8355
Telefoni nakai totogi: 0800 759 759
www.skytv.co.nz

Letio

Ko e tau fakapuloa leo mai he letio Niu Silani, ko e numela Radio New Zealand Concert, kua lata e haau a tohi haau ke fakafano atu ke he:

Radio New Zealand
PO Box 123
WELLINGTON 6140
Telefoni: (04) 474 1999
Feke: (04) 474 1459
www.radionz.co.nz

Matutaki atu ke he faahi gahua fakapuloa leo ke moua mai e numela kaina he faahi gahua ia ni:

Radio Broadcasters Association
PO Box 3762
AUCKLAND 1140
Telefoni: (09) 378 0788
Feke: (09) 378 8180
www.rba.co.nz

Matutaki foki ke he falu a faahi gahua fakapuloa leo ke he www.bsa.govt.nz

Mailoga ka tohi e tau tohi hokotaki

- Kua fakamatapatu nakai e tohi hokotaki haau ke he Ulu Fakatonu he faahi gahua fakapuloa leo nei?
- To moua nakai he faahi gahua nei e tohi hokotaki haau I lalo hifo he 20 e aho tali mai he aho ne fakapuloa ai?
- Tohia nakai he hokotaki haau e:
 - Higoa he fakaholoaga ne nakai fiafia a koe ki ai?
 - Ko e letio po ke TV fe ne kitia e koe ki ai?
 - Koa aho mo e taimi ne fakapuloa ai?
- Kua tohi nakai e mata fakatufono ne kitia e koe kua holia e maveheaga? Ko e ha ne pihia ai?
- Ka eke ko e tohi haau hagai ke he holiaaga he **tokanoaaga fakatagata**, kua fakafano nakai e koe ke he BSA I lalo hifo he 20 e aho gahua tali mai he magaaho ne fakapuloa ai e fakaholoaga?
- Ka eke kua nakai fiafia a koe ke he tali he faahi gahua fakapuloa leo nei, kua fakafano nakai e koe e tohi hokotaki ke he BSA ke kumikumi moe onoono ki ai a lautolu i lalo hifo he 20 e aho gahua mai he magaaho ne moua ai e tali mai he faahi fakapuloa leo nei.
- Ka eke kua nakai tali he faahi gahua fakapuloa leo e haau a tohi I lalo hifo he 20 e aho gahua, kua fakafano nakai e koe e tohi ke he BSA ke kumikumi mo e onoono fakamahino ki ai I lalo hifo he 60 e aho gahua mai he magaaho ne fakapuloa ai e fekau nei?



Broadcasting Standards Authority
Level 2, NZ Lotteries Commission Building
54-56 Cambridge Terrace
PO Box 9213, Wellington 6141
Telefoni: (04) 382 9508
Feke: (04) 382 9543
Telefoni: 0800 366 996
Meli hila: info@bsa.govt.nz